



Portėgrapėjuo – Rudis Edvards. Portėgrapėjė iš E. Rudė arkiva

# RUDIS EDVARDS

## ėr anuo apsakimā

RUDIS EDVARDS – pats prouduktiviau-  
sius ir vėns iš talėntingiausiu šiū dėinū  
žemaitiu rašituoju, katros raša žemaitėškā  
(lietovėškā tėp pat). Pėrmuoji žemaitėš-  
ka knīnga, katrou išleida redakcėjė  
„A mon sakā?“, bova E. Rudė apsakīmu  
rinktėnė „Kuotrė“ (Vilnius, 1996). E. Rudis  
plietuo sena, bet šės laikās jau primėr-  
ta žanra – pasakuojuėmu apsakīma. Tonkė  
tas apsakīms E. Rudė kūrībuo panašus i  
nuovelė.

Neapsakuomā gražė E. Rudė gamtuos  
aprašīmā. Skaitā anus ėr atruoda, ka kar-  
to so autuorio parsikeli i anuo vaikīstės  
metus, matā tou paslaptīnga Bartovuos  
opės pakrontiu, Muosiedė (Skouda ra-  
juons) gīvenėma. Autuorios tonkė sava  
prisėmėnėmās grīžt i vaikīstė, so nostal-  
gėjė ėr dėdėlė pagarba pasakuo aple se-  
nouji kaima, karto aiškė atskleisdams, kė-  
ik sunkė bova tās laikās išgīventė. Aple  
vėskou tou – ėr Edvarda Rudė sakīmė  
„Mūsa Joudė“, katros pėrma karta bova  
išspausdints apsakīmu rinktinie „Kuotrė“.

# MŪSA JOUDĖ

RUDIS EDVARDS  
SUNGAILAS DALIAUS PORTĖGRAPĖJĖS (PEIZAŽ)

Mūsa Joudė mūsėškė palėka, ka mon bova dā tik  
vėinioulėka metu ėr kumet tievs so muotino vėina po-  
ikė vasaras pavakarė anuo parsėvedė „iš miesta“, vo  
sakont solig teisībė, nu tuos posės, kor bova miests.  
Parsėvedė ėr atsėduksiejė, juk Joudė bova pėrkta ne-  
brongė ėr, kāp mon ruodies, ne iš torgaus. Torgos liuob  
būtė panedelnikās, vo Joudė bova parvesta ketverga  
pavakarie. Iš kalbū sopratau, ka tou Joudė augėna kaž-  
kuoks ūkininks, ka anuo toriejė varītė i skerdīkla ė ka  
„viršininkā“ pasėgailiejė tuokė poikė gīvolė ė, žėnuo-  
damė, ka mūsa šėima vuos sodor gala so galo, pasiū-  
luojė nusėpėrktė. Vo ta šėima neužėlgo dar toriejė pa-  
dėdietė veino, pėnktoujo, vāko. Vo kuoks gīvenėms,  
ka aug pėnkė vākā ė kā anėms nier atsėgertė pėina,  
žėnuojė vėsė, matītė, ė viršininkā.

Kūtalė tievs jau bova sorėntės onkstiau, ė pagal pla-  
na anuo toriejė ožtektė vėitas karvė, arkliau, avė so  
dom jierelės ė trimsketoriuoms kiauliams. Ont kūtalės  
vėršaus vasara liuobam prigrūstė šėina, vo sėinas bo-  
va šėltas kāp geruo truobuo; iš šiaurės posės bova  
sokėrstas iš stuorū roustu, vo kėtuosės – iš stuorū lėn-  
tū. Joudė mūsa kūtalie toriejė būtė ė gerā, ė šėltā.

Tujau po kara tievs bova gavės ož poskėluometrė,  
sošaudīta žīda sklīpė, do aktaro žemės ė, gerā nebat-  
mėno, a tiktā ne ketoris Nevuotiūs, pri Deinininka opa-  
lė, ož posontra kėluometra nu nomū. Nevuotėškė mūsa  
žemė vėino galo riemies i vėiškelī, vo ontroujo – i Ne-  
vuotiu kaima šonkelī. Tas šonkelis šakuojies nu dėd-  
liuojė kėlė ė teis mūsa žemė nu anuo jau bova tuo-  
luokā atsiknuojės.



Vilniaus žemaitė (iš kairės):  
Grušos Bruonios, Rudis  
Edvards, Juodpusis Apuolinars,  
Damulis Ruoms, Lasauskienė  
Genovaitė. Mukienės Danutės  
portretąpėjė.

So Joudės gīvenėmo daugiausė klejavuos Deininin-ka opalis, pri katruo bova žuolies prižielusi dauba, vo anuo kūpsuojė iš dėrvu sonešta ē somesta dėdlie pėlkā rausvu ē kėtuokiū barvu akmėnū krūva. Pri pat daubos priejė arama žemė, ē če žaliava nedėdlie pėivelė, katruo, atvažiavę so arklio, liuobam palėktė ratus ē kėta manta. Darba če, tuo žemie, bova vėsuokė: vediuojau arkli, kā tievs vaguojė buruokams ē bolviems vagas, dėigiau daigus, kor pri kuožna vėina reikiejė palėktė maža doublelė, kad laistont nenubiegto ondou. Reikiejė ēr žemė dėrbtė – drapakoutė, akietė. Daugiausė liuobo vargtė so arklė vediuojėmo: arklīs ēt kompėnās nē tēp lėngvė īr traukte žumbi. Tonkė vėn liuobo pajostė, ka arklīs iš sava plautkepinu pot mon tėisė i gerklė. Kvaps sotruoškės, arklė vėdorės atsėdoud, ē, gerā trūkteliejės i vėdo, vuos nesosėvemi. Beėdams negali kou nuori galvuotė, vėn veiziek ē veiziek, ka arklīs patkavo pasesgto klumpio tau unt basuos kuojės neuntbildieto. Vo jug keik kartu pėlkā geltuonās plaukās apėjusi arklė kuojė i minkšta žemė liuob sosmegs pri pat tavuosės arba aštriausė cinktelietė i dėrvuo pasėtaikiusi akmėni. Turi leistė lėngvė judietė ē arkliou, jug uns trauk žumbi, ē pats, kāp ē tas arklīs, leki kompėnās, ka vėskas būtom gerā. Ē leki, ē leki vėn sauguodamuos, vėn so baimė ē tonkė „pasėskanindams“ arklė dvasė. Vo bulviu lauks, nuors ē nebova dėdlis, atruodė, ka gala nebus – vėinvagis žumbis toriejė kāp vėsumet išbraukite ē išdraskitė kuožna, ka ē baisiausė soknėsta vagelė.

Kā tievs liuob pjautė mėižius, mums darba kāp ē neliuob būtė, bet, kā jau anėi pradžiūs, so grieblio liuobam kapuotė pradalgės, jimtė so ronkuoms i kliebius

ē nešte i vėina arba dvė eilės. Tēp liuobam statitė žalnierelius, vo kā tēp lėngvė neilīto, vėršo toriejuom sorėštė šiaudū grīžtiem. Vo kā šėina a varsta vežiem, reikiejė sospietė sogriebstītė, ka po važiavėma neblėkto laukė ni vėina šapelė. Ražā ē kėtuokėi dervas atsėkėšėmā badīs kuojės, vo pasėveizietė, a duorā dedi anou, nier laika. Tik liek ē liek kāp ragana so šlouto paskou vežėma, tiktā sokės ē sokės so tou grieblio. Jē nelieksi ē atsėlėksi, apšauks če pat, vėdurie dervas, ē vėdurie baltuos dėinuos – išvadins težlo.

Vo pavasarės, kā jau gerā liuob palitė ē šėlomuos jau būs so kaupo, tuos dėrvuos žuolies liuob mūsa Joudė ožtėktė. Anou galiejė ē prirėštė, par dėina kelis kartus pakeltė, ē pėina liuob būtė pėlns viedros. Bet a tau kumet īr lėjė tēp, kāp rėk: arba ožpliaups, ka i derva ne tik Joudė, bet ē pats lig ausū sosmiegsi, arba kiaura mienesi ni laša neiškrės. Melsės vėsa parakvėjė ē prašis Dėivalė lītaus, konėgs ne vėinas mēėš paaukuos, vo ni velnė – nelīn ē teik. Vo jē ē gerā līs, a tau kumet gal vėsā vasarā ožtėktė žuolies – ni nesapnouk. Kor jau geriesnis lauks, kor stuoriau žuolies, tujau tievs ožded arešta – če jau rėks pjautė šėinou. Jug ē žėima gīvoli rėk šertė. Vo Joudė, jau žėnuosem, veršieli paperies ē pėino paplūs tujau po Naujū metu. Vo jē toukart anā nedousi pašara, ožtrūks, ē gaudīk vieji laukus – nebmilši pėina ni vasara. Vo pėina Joudė mums negailiejė. Kā prisirīs geruos ē minkštuos žuolies, ont karta dous po viedra. Vo vasara, kā ēlgas dėinas, tumet jau – cielė trīs. Diel tuo mes nekriuokiem kāp kėtė – ožteka ē valdė, ē patėms. Ē ne

(Nukelta i p. 12)

(Atkelta iš 11 p.)

tik patėms, bet é kiauliems. Joudé bova mūsa iš-ganīms. Diel tuo é tievs, é mama vésa laika veiziejé, ka Joudé ne tik žuolies, bet é nieka keta netrūktom. Kā ganīkluo žuolie liuob sotrumpies, toukart liuobam pradietė Joudé ganitė. Ganiem ne vėn sava žemie, bet é pagriuviūs. Kėlė griuovė niekam nepriklausė, vo anū ĩr keik tik nuori: nu rajuona lig mūsa abėdvė kėlė posės – dvīlėka kėluometru. Tuokė élgoma, nuors é par-sėplieštumi, vėns neapkabintumi.

Kā jau biški nukrimt saulė, išsvimburi sau so Joudė, ĩgeni anou i griuovi, vo anā ni kakla nerėk tėistė – kelkraštė žuolie čė pat, panuosie. Abodo griuovė kraštā vešlė prižielė aukštū ěr stombiū šonžuoliu, dėdliuojė é avėnė eraičīna, kraujažuolės, nuotrīniu é dar vėsuokiū vėsuokiausiu. Pasėtaika é peliežirniu arba geltuonžėi-dės liucernas, katra sosėvėjosi é sosėkabėnosi pluonās čioptovās. Kā karvė so aštrio lėižovio tas žuolelės liuob trūktelietė, tā liuob sojodietė vėsos žuolīnielis. Tėp judies, judies pakol vėsos é sojodies.

Mūsa Joudė, veizont mona akimis, bova baisė pasėleidusi. Ana nuoriejė ětė vėn pavėršiou, vėn tuolīn é vėsā nepamėslėjė, vo kas belėks ketam kartou. Ap-šliaužta é apterebīta žuolie jau nebibūs skani. Bet ge-riau nenuoriek Joudės sotorietė, ana temps é temps lėnciūga raukšlieto é minkšto sava kaklo é ne vėsumet tegaliesi, neidūrės gelžėnė mėita, anou nulaikītė. Po la-šieli, po milīmetra, ožmėgdiusi mona bodroma é kontrībė, ana, veiziek, jau é nutempė tavi do é dar do metrus. Tėkra sterva, vo ne ragouta karvė. Kartās liuo-bo sosėzlastietė. Toukart, pamatęs anuos mondrīstės, so abėdvėm ronkiem sojimsio gelžini mėita é iš vė-suos sīluos trauksio anou atgal. Vo jė é dar neklausīs, so isėtėmposio linciūgo ožvuošio par šuonus. Je Joudė nebus paralkusi, atsėstuos griuovė vėdurie, pri ragš pastatīs joudas ausis é dėdliems stėkliniems joudā mielsvuoms akims veizies i muni. Toukart, matītėis, anā nebrūpiejė ni mažuosės moselės, katrū ciels spėitlios

soksės aplink akis, ausis, galva é ikirė vėsor līs é rieblinies. Bet po kuriuo laika, sopratusi, ka šī karta so anou ožsėjiemiau kāp reikint, atsėduksies é viel pradies šlėmštė pakelies žuolė. Kartās beganīdams tēp ožsėskaitīsio kuokė knīnga, ka nebipamatīsio, kāp ož tuolėmū mėškū pasėslieps posė oranžėnės saulės. Tou-kart jau tėmpsio karvė ont kėlė, nusėskuobsio kor veš-liesniu kraujažuolės steibū é, sodavės so anās karvė par pastorgali, varīsio anou greitiau i nomus. Bet tou-kart, kāp ont čiderstvā, Joudė pradies smaigstītėis pri kuokiuos žuolpalaikės é vėn stabčiuos, vėn gaišins lai-ka. Kėimė jau lauk mama, pakūtie žaliou krūvelė pri-laužitu buruoklapiu. Mama tujau pat jem é prirėš Joudė pri čė pat itaisīta kablė, topas é praded dzīrintė pėina i viedra. Unt Joudės pol mosės é kėtuokei vabalā, vo ana, sokondusi lapus, vėn tvuo so anās sau par šuo-nus. Tėp daug tū lapu išbarsta é sau po kuojuoms.

Pri pat Joudės, išgėrdės dzīravėma, isėtaisa balto é geltuono plauko apžielės mūsa katėns. Mama anou vėn gen tuolīn, ka nepabaidītom karvės, ka ana ne-spėrtom i viedra.

Aple Joudė sokuos vėsos mūsa gīvenėms, vėsas kalbas é darbā. Atein šėinapjūtė. É tievs tonkė vėn liuob švėisė nusėteikės pamislītė, keik kuo mūsa ūkie būs. Tūs dvijūs aktarūs, kor artiau, jau ganīta é par-ganīta – vėsė ožgalė, vėsė pūdīmā, vėsė dervuonā tēp apgriaužtė é nuzulintė so karvės snokio, kad iš tuola žemė rauduonou. Čė pat palėkts šlaks duobėlū šėi-nou. Tievs nupjaun anus. Kā jau gol pradalgės, iš va-dėnama žīdu paganīklė atšliauž élgas é pluons kāp kar-tės sosieds Dainios, é anodo praded pliorptėis:

– Juli, čė būs gers vėžėms pašara, – saka Dainios.

– Gera pašara – jug duobėlā...

– Vėžėms tau ne kėlės druobolės. Veiziek, dar arklīs nesmarkė tepatrauks. A nerėks do karto soktė, – tuo-liau vara sosieds.

– Dvijū nebus, bet vėns tā so kaupou, – dar malia-vuo tievs.

– Douk, Deivė, ka vėsė tuokiū duobėlū é tuokiū ve-



žėmu parsėtratinto. Par kelis mienesius karvė nesošlėmš, – neatleid Dainios.

Netuolėj mes so mamu raviejem bolvės ė klausuomies.

– Pasėklausios jodoms, jau trīs a ketorė vežėmā išėt ė greitā jau anėi ont ontkūtė nebtėlps, – joukas mama iš anodoms kalbū.

Maluoniausė karvė bova ganītė pri Deinininka. Ne-reikiejė anuos tēp akilā veizietė. Mėita idūrė vėinuo vė-itu, po posadinė – kėtuo, po keik – dar kėtuo, ė kar-vė prisėpont, ė tau vėina kėta mėnota lėikt paskaitītė knīngā.

Vėina karta ateito i lauka dā tebsvėlėnont vasaras pavakarės karštiau. Joudė, ka ne tēp tekousto bim-balā ė dvilinkė, atsėgolusi ė prisėblakėnusi pri pat žė-mės, tā iš vėinuos, tā iš ontruos posės tėis ė trėn i žėmė kakla, sklaiduos so ausim, krotėn ė oudėga, bet ana pasėdiejusi ont žėmės ė dar ėr prigolta ė vėsā nie-ka nereišk. Jod iš ėpruotė tik oudėguos stimburīs. Ap-link karvė laksta ė zvėmb guonā musiu ė kėtuokiū le-kontiū gīviu, ėiška vėitelės, katruos nebiprigaun ni kar-vės galva, ni oudėga. No, ė po tuo tēp isėkert sava mažuoms ė aštriuoms nuoseliems i skūra, tēp prisėka-bėn, ka kuojelės solend i karvės plaukus, ė po tuo tik sorb, tik sorb gīva gīvolė krauji.

Kā priėjau, karvė nepajudiejė ni iš vėitas, tik veizie-jė i muni jouduoms dėdliems akims, gīnies keik bega-liedama nu musiu. Jemous karvė padietė ėr aš. Atėdams nusėlaužiau stėprė so lapās alksnė šakelė, ė dabā, kor dėdliesnis tū pasiutieliu guons sotop, ožvuožo so anou, ka kėlės tujau pat ištėis sava rėitus. Karto braukau so ontroujė ronko karvė par kakla, šiūluojo tar-puaki. Joudė iš dėdliū akiu bėrst ašaras, vo aplink anas vėsa laika sokas kėlės dešimtis mažu ė grėtū kāp vėjorkā musieliu. Ale jau ikiroms anū lig pasiotė-ma. Nespie karvė muostelietė so ausim, vo anuos viel guonās pol i ašaruotas akis. Vo kā jau nutop, neso-s-tuo ni sekundė, tujau pat pasėleid biegiuotė. Biebieg-

damas kartās isivel i blakstienu plaukus, viel kilsteliė ė tēp sokas ė sokas pakol nutop i akėis kertelė. No, tou-kart ė prasėded vėsė anū maluonomā: stumduos vėina so kėto, pešiuojės ož sparnš, kond keta kėtā i kuojės, suok unt nogaras, vėsuokės balsās zizėnas ė bīzėnas.

Aš žėnuojau, kuokės lėna mūkas kėnt mūsa Joudė karštuoms dėinuoms, prirėšta saulietuo vėituo. Ne tēp senė iš fizikas muokītuos aiškėna, ka saulie jouds dākts ikaist kelis kartus daugiau, vo mūsa Joudė netor ni veina balta plaukelė. A tad joukā ėr tuokem gīvoliou vasaras laikė? Po dėrvelė, kor bova prirėšta karvė, sau-lė siautiejė vėsa deina – ni mažiausė krūmelė, ni kuo nuors kėta. Ė žuolie, ė ta sovėsam išdegusi. Vo iš tū netuolėj žalioujėntiu alksnīnu ė karklīnu, katrei šmieksa sosėmetė vėsās padeinininkės, musis ė vėsuoks kė-tuoks lekous gīvis kėlst ė kėlst vėsa dėina. Nedouk, Viešpatie, jė patem rėktom būtė prirėštam karvės vėi-tuo. Dėl tuo, šėik teik pabovau pri karvės ė padiejau apsėgalietė so patiuoms dėdliuosiems stervuoms. Iš-trauko iš kėituos žėmės gelžini mėita, ragėno stuotėis ė vedo anou pri ondėns. Kā gīvolīs sopront ė atsė-mėn, kor ėtau, nebrėk nikuokiū ragėnėmu pasėlėd rės-tė pėrmo monės. Pripoulusi pri ondėns kuoki dešimti mėnotu nebištrauk iš anou boka sava snokė – teik bo-va parkaitusi ė ištruoškusi. Pagierusi nusėraun kuokė ėlgesnė žuolpalaikė, sokondusi atsėmetiejusi tvuo so anou sau tā par vėina, tā par ontra šuona. Isėbrend i ondėni, stuov ė niekor nepatėmpsi, nenuviesi. Aš so saujuoms semo ondėni ė laistau Joudė šuonus, noga-ra, rėitus. Musiems šalts kāp spirits ondou nepatink, ė, gavosės išsėmaudītė, tik sozvėmb ė maun ėiškuotė i laukus sausesnės ė skanesnės karvės. Kā jau be-veik vėsa karvė palėikt varvonti, jemo ož linciūga ė tempo anou iš ondėns. Karvė, pasėjotusi po dėinuos karėtė kāp dongou, nenuor dā ėtė. Bet aš, nieka neb-

(Nukelta i 12 p.)



(Atkelta iš 13 p.)

veiziedams, tempo é anā nebier kou bedarītė. Nusė-tempo i dauba, katruo jau išsėtėisė élgė alksniu šešoulietė. Atsėgavusi nu karštė Joudė po biški praded grumbītėis žuolies. Aštros kāp peillis Joudės lėižuvis tik šmikščiūo po žuolė tā iš vénuos, tā iš ketuos posės, lėngvė trūktelie so galvo, é kousnis jau bornuo. Kā jau kumet torio po ronko droskas é doudo Joudė palaižītė, vén taikaus pridietė péršta pri anuos vėršotėnės lūpas. Ana ĩr geruokā kėita, driegna é slīduoka, apžielusi retās plaukelės. É dabā atnešiau paruovės žuolies. Ana atkėš mon boka nuosė, atsėkvep é graibsta so lėižovio iš ronku žuolė, vo aš tou tarpo viel pačiupiniejo anuos nuosi. Tas vėskas trunk neélgā. Atnešta žuolė ana prarĩn véino brūkšteliejėmo é jau ėt i šuona, raun žuolė pati.

Karvė atrond skaniesni šmuotielī, apsėjedėnie, é aš anou, pridūrės méita, palėikto. Pats isėtaisau daubas pakraštie unt akmėns é skaitau Leva Tolstuojaus ruomana. Raša poikė, kāp lipdītė lėpda vaizda pri vaizda, žmuogo pri žmuogaus. Ruoduos, ka matā Levina sokama dalgi, jauti, kāp golas nukėrsta rasuota žuolie, tĩst pradalgės. Vo rĩtmetė saulė, kou tik kėlsteliejusi, spindoliou žuolies rasuo, vo rĩtmetė gaivoms, galva apnėkosės é neišsėpėldiosės svajuonės, é ta savuotėška rĩtmetė nuotaika, katra apvalda skaitĩtuoji, mon tėp patėka, tėp nušveitė vėsa širdi...

Pakeli nu kningā akis, pasėžvalgā i šuonus, pasėbaidā kuokė jkĩresnė musi é viel vėsos solendi i poslapi. Vo saulė kėlst aukštĩn, Levins praded jostė vasaras karšti. Isiklausā... Kažkor kukou geguželė, čiolb kėtė paukštelė. Tuolėj pėivuo kāp pluons lauža dūmielis biški aukštiau nu žemės lėngvė draikuos mėglėlė, vo i anou isėvĩniuojės nedrousos saulės spindulielis jau balst kāp vāka vĩstĩklā. No, é puiki rĩtmeti apraša Tolstuojos!

Viel pakelo akis, pasėžvalgau é matau, ka jau krėsteliejė žemĩn saulė, é ka karvė nugraibė vėsa žuolė. Nulėko pri anous é parkelo i kėta véita. Atsėgaun ožtėrposės kuojės, pasėdara geriau. Vo šešoulietis jau ožsėkvėmb unt vėsuos daubos, é saulė mon ont akmėns bešvėit tik pro pat alksniu vėršūnės. Po dėinuos karštė praded atsėgautė é paukštė – terezg po véina keta šūksni iš sava gėismieliu, é sklind anėi unt monės pro vėršotėnės alksniu šakas. Vo mon ruoduos, ka gėismelės sklaiduos tėp pat, kāp spėgės saulės žvaidelės, katruos somėrgolivosės krimt mon i akis, jė tik viejielis sojodėn miediu galūnės...

Deinininks, pluona sruovelė išsėraitės iš če pat ištrĩškusiū šaltiniū, tujau palend po tėlto, vo anuo posie kelė jau išvingiou Valončiaus žemie. Pri Deinininka é šaltiniū beveik vėsam slienie aug aukštė alksnė. Tuoliau nu kėlė, kor ož daubos ĩr Valončiaus suodĩba, mes nikumet neluobam ėtė. Mums ožteka tuos Deinininka dalėis, katra bova pri kėlė. Kumet nekumet vasarvidie, kā jau išsėrps joudūju serbėntu ougas, vo anū pri Deinininka auga, anas berinkdamė, liuobam nueitė é tuoliau. Bet mėškė augantiūs krūmus ougu teliuob būtė mėnkā é daugū daugiausė kou liuobam pajostė, tā nuotrĩniems nudegintas kuojū blauzdas é dėdlė aitrī serbėntu lapu kvapa. Vo ougas bova nedėdlės, vuos prasėrposės, sokousnuotas anuos tėp liuob sotrauktė borna é žondikaulius, ka paskou, é medaus gavės, nedėdlė beišsėžiوسي. Vo jė é išsėžiوسي, tā medaus smuoka nikāp nepajusi.

Deinininka žemė – i kopras sosėrėitusiu laukū, keliū é opiu, vo tėp pat griuviū vaguoms é daubuoms išraižĩta véita. Veizont i šiaurė, ont kalnelė kairie posie, pastatās rauduonou é baltou apėjusi žalio suodĩbmediu dūmo, spėngst akies ūkininka suodĩba. Tėisė i tava akis laukā nu kalnieliu leidas žemĩn. Vo anū minkšta é švelni, posapskrėtėmės išsėrėitusi nogara, katra



pavasari liuob pėlkoutė medėnio roljo solėginto pluokštomo, ož keliū nedieliu prakniumbunti rausvā ruožėnio vasaruojaus želmėnio, atruodė kāp gīvas. Tik veiziekės išsėžiuojės ė nepramėiguok pamatīsī, kāp švėisesnės ė tomsesnės žemės pėlkumuos draiskanās pasėkeit i vėinuoda ruožėni ė kuožna dėina vėn daugiau žalstunti šepetieli, katros onkstīva rītmeti ont kožnuos i laivelė prišaki panašiuos daigelė vėršūnelės laika kāp žvakė lėipsnelė pakielės sėdabro blėzgunti rašuos lašieli. Vo jė rītmetīs īr ožlėits saulės, tā kuožnamė lašeliė deg dā ė geltuona ognelė. Nespieji duorā ni apmislītė, sori kioutė, kas ė kam, vo jau, ožmetės aki i laukus, išvīsti, kāp bangou vešlos vasaruojos, kāp nu tū kalnu, lėnkdamas išstīpusi java, rėit viejė vilnis. Jėgo dar ėlgiau pasėveiziesi, pamatīsī, kāp tuos vilnis maišuos po vėsa lauka, kartuojės vėina po ketuos, slenk ė i kairė, ė i dešėnė, ė viel atgal, līguo verdontem katelė ondou. Vo blėzgotės longū stėklās žmuogaus suodība pro miediu kamienus ė krūmus veiz ė veiz i tus laukus, sauguodama vėskou nu pėktuos akėis ė nu vėsuokiū nelaimiu. Vo pats ūkininks aukšts vīrs, vešlės oustās pridėngta borna, kāp geruojė tū laukū dvasė, vėskou matė, vėskou laiko padarė, ė sunki vasaruojaus varpa brondėna auksini grūda.

Pri pat Deinininka bova šlapi pėiva, ė ėe nieks nieka neaugėna – auga tik tėik, keik pati gamta bova pasiejusi. Vo ana bova pasėdarbavusi vėsā neprastā: tuoliau nu ondėns auga kėita ė neskani vėlkdalgė, iškėlosės kerās aštri smėlga ė vėsuoks kėtuoks, nelėgėnont trumpa barzdėkė, mažis. Vo pri pat ondėns arba ileidosės sava gīslas i ondėni, auga neužmėrštuolės ė kėtuokės tomsiū vėitu išstīpielės. Iš lauka posės, kor šveitė saulė, vo kāp kame ė geruokā prasėbruovosės i pati alksnīna, auga pėktas kāp raganas nuotrīnės. Anuos po pat lapkuotiu pažastimis kāp žovėis ėkrus patemė vėdorasarie liuob išleistė kroupietus ėlgus ous-

tus, katrėi vieliau liuob apsėpėltė smolkės pėpėrelės. Anei ė bova nuotrīniu žėidā. Kā pri anū liuobi priėtė, i nuosi liuob trėnkėtė degous aitroms.

Ėtont tuoliau nu kėlė, lauks viel kluojuos i kaina. Anou Deinininka vaga ė dauba dalėna i dvė dalis. I Valončiu suodība reikiejė ėtė kelalio, katros leiuos par žīdontius rauduonūsius duobėlus, vo tuoliau – par blėzgotės akoutās išplaukiejusius mėižius. Po tuo kelālīs liuob dingtė miškingame Deinininka slienie, ė, ka jau praėsi tėitieli ė pradiesi kuoptė i kalna, alksnė šakū pruoperšuo pamatīsī baltā dažītus longus. Tas slienis ė karštiausė vasaras dėina bova šalts, pro alksniu šakas tik kamė ne kamė galiejė pamatītė, kāp anuos praleid geltuonu saulės spinduliū nierėnius. Je viejielis pūsteliė, šakas sojod, ė tėi gamtuos nierėnė atsėgaun, jod unt biegotio ondėnio arba unt geltuonuos dogna smėltelės. Jė sostuojės pasėklausīsī, išgirsi kāp par akmenėlius gorg ondėnielis, kāp skomb po alksniu šakas vėsuokiausiu paukštīliu tīrabalsės gėismelės.

Dabar aš ožsėkuoriau unt daubos šlaita, veizous, kāp pakalnie jiedėnie Joudė, kāp vies jodėn išstīpusiu alksniu šakas, pro tuolėmesnius medius švėit dar neatviesosės saulės spindolė ė kāp anėi akėn, kā i mona posė nusėtėisės Deinininka slienis ė rauduonā sožīdės duobėlū lauks tomsou akies kāp grīniausė naktės. Tiktā kā mon tas ikīrst, ė aš atsėsoko i rītus, aiškė matau žalius bulviu, jau gelsviejuntius javū riežius, katrėi tuolomuo atsėdor i nevuotiškiu ūkininku suodības, tuos suodībuuos augontius mėška medius ė vuobilis. Vo dongos mielėns, gėlos ė ruoduos, ka ėe pat siūbou uorė vuos nesosėdordamas blezdingas, karts nu karta paleisdamas dzūroujinti garsa. Matītėis, iš laimės ė iš dėdlė vasaras pavakarės raškažiaus.

Ėe pat – buruoku lauks, lapā švėisė žalė, lapkuotė

(Nukelta i 16 p.)

